

御批資治通鑑綱目

第三函
六冊

御批資治通鑑綱目卷三十七

起戊辰隋煬帝大業四年。○盡戊寅七月。凡十年有奇。

四年春正月開永濟渠

發河北諸軍百餘萬衆穿永濟渠引沁水南達于河北通涿郡丁男不供始役婦人

集覽

沁水在懷州北

源出上黨羊頭山或曰沁水出并陘東山海經云謁戾之山沁水出焉今澤州有沁水縣因水名之

質實

一統志云永濟渠在東昌府館陶縣西二里漢名屯氏河隋疏爲永濟渠亦曰御河源自衛輝府輝縣東北流

至臨清與會通河合流入于海沁水源出沁州沁源縣綿山穿太行達濟源經武陟入黃河元郭守敬言沁河

雖淺灌猶有漏堰引其餘水東流至武陟縣北合流入于御河灌田二千餘頃河北黃河之北注見晉安帝義

熙十三年涿郡注見漢帝玄更始二年

以元壽爲內史令○二月西突厥入貢

裴矩聞西突厥處羅可汗思其母請遣使招懷之帝遣謁者崔君肅齎詔諭之處羅甚踴躍受詔不肯起君肅謂

之曰突厥中分為二每歲交兵積數十歲莫能相滅今
啓民舉其部落昇躬折節入臣天子欲供兵大國共滅
之可汗天子許之師出有日矣顧可汗母向夫人懼西國
之滅曰夕守闕哭泣哀祈匍匐謝罪請發使召可汗令
入內屬天子憐之故復遣使至此今可汗乃踞慢如是
則夫人爲誰天子必伏尸都市傳首虜庭發大附之兵
資東國之衆左提右挈以擊可汗亡無日矣奈何愛兩
拜之禮絕慈母之命惜一語禍臣使社稷爲墟乎處羅
嬰然而起流涕再拜跪受詔書〔集覽〕守闕守去聲詣也
因遣使者隨君肅貢汗血馬〔集覽〕守闕守去聲詣也
右驚〔實實〕謁者注見漢高后三年折節注見周赧王元
顧貌〔實實〕年匍匐注見齊主實卷承元元年扶匐社稷
注見新莽天鳳元年汗血
馬注見漢武帝元鼎二年

三月倭國入貢

倭王遣帝書曰日出處天子攷書日沒處天子〔集覽〕倭
無恙帝覽之不悅詔鴻臚蠻夷書無禮者勿奏〔集覽〕倭
注見唐高宗
龍朔二年〔實實〕鴻臚官名注見漢
武帝太初元年

帝如五原遂巡長城

行宮。設六合板城。載以槍車。每頓舍。則外其轅。以爲外圍。內布鐵菱。次施弩狀。以繩連機。人來觸繩。則弩機旋轉。向所觸而發。**質實**。五原郡名。注見漢書。宣帝甘露二年。

夏四月營汾陽宮

帝無日不治宮室。兩京及江都苑囿雖多。久而益厭。乃備責天下山川之圖。以求勝地。因營是宮。

質實

汾陽宮。注見大業十三年。江都縣名。注見漢獻帝興平元年。

齊王長史柳謩之有罪除名

初元德太子卒。齊王暕次當爲嗣。元德吏兵二萬餘人悉隸於暕。帝爲之妙選僚屬。以柳謩之爲長史。且戒之曰。齊王德業脩備。富貴自鍾卿門。若有不善。罪亦相及。暕寵遇日隆。驕恣不法。昵近小人。樂平公主嘗言柳氏女美。帝久未答。主以進暕。帝復問知之。不悅。暕從幸汾陽宮。大獵。大獲麋鹿。以獻。而帝未有得也。乃怒。從官皆言爲暕左右所遏。帝於是發怒。求暕罪。時制縣令無故不得出境。暕幸伊闕。令皇甫謏携之至宮。御史韋德裕希旨劾之。帝令甲士大索暕第。因窮治其事。暕妃韋氏早卒。暕與妃姊元氏婦通。召相工遍視後庭。相工指妃

姊言當為皇后。陳以元德太子有三子。恐不得立。陰挾左道為厭勝。至是皆發。帝大怒。斬陳左。數人賜妃姊死。王府僚皆斥邊遠。謗之亦坐除名。時趙王杲尚幼。帝謂侍臣曰。朕惟有陳一子。不然者。當肆之。市朝以明國憲。陳自是恩寵日衰。不復預政。帝恒令虎賁郎將一人監其府事。所給左右皆以老弱備員而已。

集覽

虎賁郎將。注見。**質實**。樂平縣名。注見。宋文帝元嘉十三年。伊闕山名。注見。周威烈王十五年。

新莽地皇二年。注見。漢成帝永始二年。厭勝。注見。宋明帝泰始四年。肆之市朝。周禮注。有罪既殺。陳其尸曰肆。市朝。不

過連言之。左傳。晉殺三卻。尸諸朝。殺董安于。尸諸市。賤者在市也。又大夫以上。於朝。士以下。於市。趙國名。注見

漢景帝三年。

書法

驕恣不法。昵近小人。齊王之罪也。罪害之何。齊王之罪。長史之罪也。綱目書曰。有罪除名。其為

臣下不匡之戒。深切矣。

置城造屋於萬壽戍。以處突厥。啓民可汗。

質實

可汗。注見。漢後主景

耀四年。

書法

特筆也。書處降多矣。未有書置城造屋。譏敝內也。辭繁弗殺。綱目之意見矣。

○秋。七月。復築長城。

發丁男二十餘萬。築之。自榆谷而東。

質實

一統志云。長城在臨洮府城北。史記秦始皇遣蒙恬發兵三十

萬北築長城萬里。起自臨洮。即此處。榆谷。注見漢章帝章和元年。

書法

隋於是凡四書矣。故書復。復也者。不已之辭也。終綱目書築長城十。詳秦始皇三十三年。隋居

四焉。用民如此。欲不亡得乎。舍是。無書築城者矣。

裴矩以鐵勒擊吐谷渾。大破之。

裴矩說鐵勒使擊吐谷渾。大破之。吐谷渾可汗伏允遣

使求救。帝遣安德王雄。許公宇文述迎之。吐谷渾畏隋

兵盛。不敢降。帥眾西遁。述追之。拔曼頭赤水二城。獲其

王公以下二百人。伏允南奔雪山。其地東西四千里。南

北二千里。皆置郡縣鎮

質實

鐵勒。高車部號。注見宋文

帝。天下輕罪徙居之。

質實

帝元嘉七年。吐谷渾西域

國名。注見晉元帝建武元年。安德郡名。注見陳

宣帝太建八年。許縣名。注見漢光武建武八年。

書法

帝雲起以突厥兵書遣大業元年此其不書遣

何矩專也自矩開邊中國罷敵以至於亡直書

九月徵天下鷹師

至者萬餘人

冬十月赤土入貢

赤土南海中遠國也帝遣使齎詔賜之泛海百餘日入境月餘乃至其都其王居處器用皆極珍麗遣子入貢

質實

赤土國名未詳沿革

遣將軍薛世雄擊伊吾降之

質實

伊吾郡名注見漢明帝永平十五年

五年春正月改東京為東都○詔均天下田○禁民間兵

器

鐵义搭鉤積刃之類皆禁之

集覽

積刃積祖管反鉞也鉞音蟬小稍也

三月帝巡河右。夏四月遣兵擊吐谷渾。不克。西域諸國來朝獻地。置西海等郡。

三月。西巡河右。四月。出臨津關。陳兵講武。將擊吐谷渾。五月。至浩亶川。吐谷渾可汗伏允帥眾保覆袁川。帝分命內史元壽等圍之。伏允遁去。遣其名王詐稱伏允。保車我真山。詔大將軍張定和。光祿大夫梁熙等追討。皆爲所殺。獨衛尉卿劉權。出伊吾。至青海。虜獲千餘口。追奔至伏俟城而還。初。帝嘗謂給事郎蔡徵曰。自古天子有巡狩之禮。而江東諸帝多傳脂粉。坐深宮。不與百姓相見。此何理也。及將西巡。命裴矩說高昌王麴伯雅。及伊吾吐屯設等。啗以厚利。召使入朝。至是。至燕支山。伯雅吐屯設等。及西域二十七國。謁於道左。帝復令武威張掖士女。盛飾縱觀。以示中國之盛。車服不鮮者。郡縣督課之。吐屯設獻地數千里。帝大悅。置西海河源鄯善且末等郡。謫天下罪人爲戍卒以守之。命劉權鎮河源郡。積石鎮。大開屯田。扞禦吐谷渾。以通西域之路。進裴矩銀青光祿大夫。是時天下凡有郡一百九十。縣一千二百五十五。戶八百九十萬有奇。東西九千三百里。南北萬四千八百一十五里。隋氏之盛。極矣。此矣。自西京及西北諸郡。皆轉輸塞外。歲鉅億計。或遇寇鈔。死亡不

達郡縣皆微破其家。由是百姓失業。西方先困矣。初伏
允使其子順來朝。帝留不遣。至是伏允助走。帝立順為
可汗。遣之。不果入而還。

集覽

浩靈注見漢宣帝神爵元年。吐屯設突厥大臣。凡二十八等。其一曰吐屯。

其俗謂別部典兵者曰設。時西突厥強盛。西域諸胡皆
臣之。突厥各遣吐屯監之。督其征賦。故伊吾國有吐屯

設。燕支山。伊吾國中地。漢時匈奴中焉支山也。燕焉并
音烟。焉支山。注見漢武帝元狩二年。且末。注見宋文帝

元嘉十八年。質實。臨津關。未詳處所。青海縣名。注見唐高宗

武四年。巡符。晏子曰。天子適諸侯曰巡符。巡符者。巡所
守也。注。巡所守者。巡行諸侯所守之土也。又曰。巡所守

者。自上察下也。西域國名。注見漢宣帝神爵二年。武威
郡名。注見漢光武建武十年。張掖郡名。注見晉安帝隆

安元年。西海郡名。注見漢和帝永元十四年。河源郡名。
未詳處所。鄯善郡名。注見漢武帝元鼎三年。積石鎮。注

見唐太宗貞觀九年。銀青光祿大夫。從三品之官名。冠鈔。注見漢光武建武十五年。

冬十一月。還東都。

車駕東還。行經大斗拔谷。山路隘險。風雪晦冥。文武饑
餒沾濕。士卒凍死者大半。後宮妃主。或狼狽相失。與軍

士維宿
質實
載狼狽。注見漢獻帝初平三年。

以裴蘊為御史大夫。

民部侍郎裴蘊以民間版籍多脫漏戶口詐注老小奏令貌閱若一人不實則官司解職又許民糾得一丁者令被糾之家代輸賦役是歲進丁二十四萬口六十四萬帝謂百官曰前代無賢才致此罔冒今戶口皆實全由裴蘊擢授御史大夫與裴矩虞世基參掌機密蘊善候伺人主微意所欲罪者則鍛成其罪所欲宥者則附從輕典是後大小之獄皆以付蘊輕重皆由其口人不能詰

質實
裴蘊河東聞喜人。

突厥啓民可汗死立其子咄吉為始畢可汗。**質實**
突厥北狄國名。

注見梁武帝大同十一年。

始畢表請尚公主。詔從其俗。

殺司隸大夫薛道衡。

道衡以才學有盛名自潘州刺史召還。高祖頌帝不悅曰此魚藻之義也拜司隸大夫將罪之。司隸刺史房

彥謙勸以杜絕賓客。卑辭下氣。道衡不能用。會議新令。久不決。道衡謂人曰。何使高頴不死。令大當以有人奏之。帝怒。付執法者推之。裴蘊奏道衡負才悖逆。**集覽**魚藻

之義。詩魚藻。刺幽王也。言萬物失其性。故君子思古之

武王焉。注。魚以依蒲藻為得其性。今王政教衰。羣生不

得其所。故思古之武王也。今煬帝謂

薛道衡之頌高祖。是亦思武王之義。**質實**潘州未詳沿

注見漢元帝

永光元年。

六年春正月。盜入建國門。

有盜數十人。素冠練衣。焚香持華。自稱彌勒佛。入建國門。奪衛士仗。將為亂。齊王暕遇而斬之。於是都下大索

連坐者千餘家。

諸蕃來朝。陳百戲於端門以示之。

帝以諸蕃酋長畢集洛陽。陳百戲於端門街。執絲竹者萬八千人。自昏達旦。終月而罷。所費鉅萬。自是歲以為常。諸蕃請入豐都市交易。許之。先命整飾店肆。盛設帷帳。珍貨充積。人物華盛。胡客過酒食店。悉令邀入醉飽。

而散。不取其直。給之曰。中國豐饒。酒食例不取直。胡客皆驚歎。其黠者頗覺之。見以綳帛纏樹。曰。中國亦有貧者。衣不蓋形。何如以此物與之。纏樹何為。市人慙不能答。帝稱裴矩之能。謂群臣曰。裴矩大識朕意。凡所陳奏。皆朕之成筭而未發者。自非奉國盡心。孰能若是。是時矩及大將軍宇文述。內史侍郎虞世基。御史大夫裴蘊。光祿大夫郭行。皆以諂諛有寵。述容止便辟。侍衛者咸取則焉。衍嘗勸帝五日一視朝。曰。無效高祖。空自勤苦為也。帝臨朝凝重。發言可觀。而內存聲色。日於苑內林亭。盛陳酒饌。敕燕王倓。與梁公蕭鉅。千牛左右宇文弼。及高祖嬪御。為一席。僧尼道士女官。為一席。帝與諸寵姬。為一席。畧相連接。酒酣殺亂。靡所不至。楊氏婦女之美者。往往進御。弼出入不限門禁。妃嬪公主。皆有醜聲。帝亦不之罪也。

集覽

有魚龍爛漫。百戲音樂志。

俳優侏儒。山車巨象。拔井種瓜。殺馬剝驢等。奇怪異端。百有餘物。名為百戲。千牛左右。官名也。又千牛。注見大業十三年。胡了反。道士。大霄琅書經曰。士者何理也。從道為事。故稱道士。女官。官。或作冠。謂女為道家者流。

質實

茵長。注見新莽始建國二年。酋豪。洛陽縣名。注見周顯王三年。燕。國名。注見唐高祖武德四年。幽州。

梁郡名。注見漢後主。延熙十八年。宋國。

書法

凡書戲譏也。以示諸蕃深譏也。

遣兵攻流求。殺其王。虜其衆以歸。

帝遣使招撫流求。不從。遣虎賁郎將陳稜發

質實

一統志云。

兵泛海擊之。斬其王遏刺堯。虜其民以還。

流求國名。古未詳何國。漢魏以來不通中華。隋大業中。

令羽騎尉朱寬訪求異俗。始至其國。語言不通。掠一人

以返。後遣虎賁郎將陳稜率兵至其都。虜男女五千人

還。唐宋時未嘗朝貢。元遣使招諭之。竟不從。至本朝洪

武中其國分爲三。曰中山王。曰山南王。曰山北王。皆遣

使朝貢。永樂初其國王嗣立。皆祇受朝廷冊封。自後惟

中山王來朝。至今不絕。其山

南山北二王蓋爲所併云。

詔自今非有功者不賜爵。

詔以近世茅土妄假。名實相乖。自今惟有功勳乃得賜

封。仍令子孫承襲。於是舊賜五等爵非有功者皆除之。

集覽

茅土。注見漢昭烈帝章武二年。

以散樂配太常。

以所徵散樂悉配太常皆置博士弟子以相傳授樂工至三萬餘人

三月帝如江都○除榆林太守張衡名以王世充領江都

宮監

初帝營汾陽宮令張衡具圖奏之衡進諫曰此年勞役繁多百姓疲弊願稍加抑損帝意不平謂侍臣曰張衡自謂由其計畫令我有天下也乃錄前幸涿郡父老謁見衣冠不整衡為憲司不能舉正之罪出為榆林太守久之敕督後江都宮禮部尚書楊玄感素之子也使至江都衡謂之曰薛道衡真為枉死玄感奏之江都郡丞王世充又奏衡頻減頓具帝怒將斬之入乃得釋除名為民以世充領江都宮監世充本西域胡人姓支氏父牧幼從母嫁王氏因冒其姓世充性譎詐有口辯頗通書傳好兵法習律令帝數幸江都世充能伺候顏色雕飾池臺奏獻珍物由是有寵

開皇十九年夏勝

集覽

頓具頓舍與供具

質實

楊玄感華陰人榆林郡名注見文帝

冬十二月文安侯牛弘卒

弘寬厚恭儉。學術精博。隋室舊臣。始終信任。悔吝不及者。一人而已。弟弼。酗酒射殺弘。駕車牛。自外還其妻。迎謂之曰。叔射殺牛。弘無所問。直云作脯坐定。其妻又言。弘曰。已知之矣。顏色自若。讀書不輟。**質實**。一志云。文安。漢之縣名。屬渤海郡。東漢屬河間郡。後屬瀛州。晉屬章武國。後魏屬瀛州。隋屬河間郡。唐廢豐利縣。移文安縣於其城。屬蘄州。宋省永清縣入焉。金。元。俱仍舊。本朝因之。改屬順天府。

穿江南河。

自京口至餘杭。入百餘里。廣十餘丈。欲東巡會稽也。

質實

京口。郡名。注見晉成帝咸和三年。一統志云。餘

杭。秦之縣名。屬會稽郡。漢因之。東漢屬吳郡。三國吳屬吳興郡。晉因之。隋初屬杭州。後改餘杭縣。唐。宋。元。俱仍舊。本朝因之。改屬杭州府。會稽縣名。注見文帝開皇九年。

詔百官戎服從駕。

帝以百官從駕。皆服袴褶。於軍旅間不便。詔皆戎衣。五品以上。通著紫袍。六品以下。兼用緋綠。胥吏以青。庶人以白。屠商以黃。**質實**。年。軍旅。注見梁武帝中大同二年。

宋 幸

書法

吉行戎服。非事也。亂始兆矣。故謹書之。

徵高麗王元入朝。不至。

帝之幸啓民帳也。高麗使者。在啓民所。啓民不敢隱。與之見帝。裴矩說帝曰。高麗漢晉皆爲郡縣。今乃不臣。先帝欲征之久矣。今其使者親見啓民舉國從化。可因其恐懼。脅使入朝。帝從之。敕牛弘宣旨。令使者還。語高麗王入朝。至是不至。乃謀討之。課天下富人買馬。疋至十萬錢。簡閱器械。或有濫惡。使者立斬。
質實 高麗
外夷國名。注見漢武。帝元封二年朝鮮。

七年。春。二月。帝自將擊高麗。夏。四月。至臨朔宮。徵天下兵。

會涿郡。

帝御龍舟渡河。入永濟渠。仍敕選部門下內史御史於前船選補。其受選者三千餘人。或徒步隨船。三千餘里。凍餒疲頓。死者什一二。遂下詔討高麗。敕幽州總管元弘嗣往東萊海口。造船三百艘。官吏督役。晝夜立水中。不敢息。自腰以下皆生蛆。死者什三四。又敕河南淮南江南造戎車五萬乘。送高陽供載衣甲幔幕。令兵士自

挽之。發河南北民夫以供軍須。江淮以南民夫及船。運
黎陽及洛口諸倉米。舳舻千里。往還常數十萬人。晝夜
不絕。死者相枕。天下騷動。**質實**。幽州注見唐高祖武德四年。元弘嗣
三年。高陽縣名。注見晉愍帝建興四年。黎陽倉名。注見
陳後主至德元年。一統志云。洛口倉名。在河南府鞏縣
西。隋煬帝常聚粟於此。舳
舻注見晉帝奕太和四年。

書法

高麗嘗書討矣。文帝開皇十八年。此其書
擊何。廣賊也。師出無名。故書自將不書討。

發明

楊廣不道。天醜其為。亦既經畧西域。臣服突厥。
破吐渾。降伊吾。攻殺流求等國矣。好大不止。今
又從事遼東。迄至群盜蜂起。而國遂以亡。蓋廣之用
心。必欲使際天所覆。舉歸封畧之內。豈知末年反無
容足之所。身死不保。至徹床簀以歛其屍。自古作兵
事外者。未有不受其禍。然罕有如廣之甚者。綱目於
此。書帝自將擊高麗。而不書帝親征高麗。則見高麗
無罪之可征。而他日用兵敗亡之咎。亦不可委之他
人。此固書
法之意也。

山東河南大水。**質實**

山東。注見宋文帝元嘉二十五年。
河南。注見宋主昱元徽元年。